



Diresaun Jeral Jestaun Patrimonio Estado



INFORMASAUN KONA BA LEILAUN BEINS MOVEIS ESTADU HO MODALIDADE KONKURSU PUBLIKU

1. Introdusaun

Governu liu husi Ministeriu Finansas (Diresaun Jeral Jestaun Patrimonio Estado) hatuir dezisaun Komisaun Leilaun iha dia 17 Setembru 2021 sei halo leilaun ba Beins Moveis Estadu hanesan Kareta, Motorizadas, Ekipamentu Eletronika, Makina Jogus no Ekipamentu sira seluk ne'ebe priense ona rekezitus leilaun nian



2. Baze Legal

Implementasaun Servisu Leilaun ba Beins Moveis Estadu bazea ba:

- a. Dekreto Lei Nu; 32/2011 Sobre Jestaun e Alineasaun Beins Moveis do Estado;
- b. Diploma Ministerial no. 15/2012, Regime Jestaun e Alineasaun Beins Moveis do Estado.

3. Klasifikasaun no deskrisaun Beins Moveis ne'ebe atu halo Leilaun

Beins Moveis ne'ebe prepara ba leilaun kompostu husi Kareta 154 Unidades, Motorizadas 208 Unidades, Ekipamentu Eletronika 15 Unidades, Makina Jogus 51 Unidades (1 lot) Tratores 49 Unidades no bidon mamuk 40 unidades no ekipamentu sira seluk.

Beins Moveis ne'ebe atu halo leilaun lokalizadu iha Compound Diresaun Jeral Jestaun Patrimonio Estado iha Balide Raihun, Dili no Munisipiu Covalima (Detaile Beins Moveis tuir klasifikasaun iha leten bele haree direktamente iha kuadru avizu DJJPE, Balide raihun no Munisipiu Covalima.



4. Modalidade no tipu Leilaun

Hatuir dezisaun Komisaun Leilaun iha dia 17 Setembru 2021, Leilaun ba Beins moveis ne'ebe deskreve no klasifika iha leten sei aplika modalidade Konkursu Publiku atu bele fo oportunidade ba ema hotu tantu iha nivel Nacional, Munisipiu sira inklui RAEOA – ZEESM atu bele kompete. Leilaun ba Kareta no Motorizadas sei halo tuir lot ida-ida, Makina Jogus sei halo iha forma pakote ida no konsidera hanesan Lot no hanesan mos ho ekipamentu sira seluk.



Reuniao Komisaun Leilaun iha dia 17 Setembru 2021

5. Periodu Inpesaun ba Beins Moveis no submisaun Proposta

Atu bele fasilita rekerente sira hodi hatene no konfirma kondisaun Beins Moveis ne'ebe atu halo leilaun Diresaun Jeral Jestaun Patrimonio Estado sei fasilita Rekerente sira hodi halo inspesaun direta husi dia 6 – 16 Outubru 2021 iha Compound Balide, Raihun no Munisipiu Covalima husi horas 09.00 – 11.30 no 14.30 – 16.30 otl. Rekerente sira ne'ebe halo inspesaun fora husi periodu refere sei la hetan autorizasaun.

Entretantu Proposta Leilaun submete mai Diresaun Jeral Jestaun Patrimonio Estado hahu husi dia 7 –18 Outubru 2021.

6. Prosesu no mekanismu administrativu Leilaun :

- a. Rekerente sira bele foti Formulariu Submisaun Proposta Leilaun iha Diresaun Jeral Jestaun Patrimonio Estado husi dia 6-16 Outubru 2021;
- b. Rekerente sira obrigatoramente priense formulariu Leilaun ba kada item/lot;

c. Rekerente sira obrigatoramente tenke selu deposito 10% husi valor proposta antes submete Proposta Leilaun. Wainhira la kumpri pagamentu deposito 10% sei konsidera invalidu iha prosesu loke rekerimentu leilaun. Deposito 10% nudar garante ida ba prosesu leilaun no wainhira resultadu leilaun publika sei devolve fali ba rekerente sira. Konta Bankaria ba pagamentu deposito 10% nian maka iha BNCTL : Konta Deposito Leilao, numeru kontu : 02100223323776 no numeru iban TL380040210022332377629.

d. Submisaun Proposta Leilaun nesesito kumpri tuir periodu ne'ebe fiksa tiha ona iha sesaun 5 nian;

e. Rekerente sira persija halo kalkulasaun lolos tuir tipu no kualidade Beins Moveis hodi bele iha rasionalizasaun proposta leilaun tamba wainhira iha submisaun proposta ne'ebe ho valor kiik liu husi valor estimadu sei konsidera invalidu iha prosesu loke rekerimentu leilaun nian;

6. Publikasaun Avizu Leilaun

Diresaun Jeral Jestaun Patrimonio Estado sei publika informasaun Leilaun liu husi taka avizu iha fatin Publiku, Media Eletronika no Journal hodi fo asesu informasaun ba Publiku tomak. Publikasaun Avizu Leilaun hahu husi dia 4 – 18 Outubru 2021.

7. Kalendaru implementasaun Leilaun

Hatuir dezisaun Komisaun Leilaun iha dia 17 Setembru 2021, implementasaun leilaun sei hau husi fulan Outubru - Dezembru. Implementasaun Leilaun tuir Kalendaru ne'e inklui atividade sira hanesan Publikasaun Avizu Leilaun, Inpesaun Kondisaun Beins Tua Manas husi Rekerente sira, Submisaun Proposta Leilaun, Loke Rekerimentu Leilaun, Avaliasaun Tekniku, Dezisaun Final Komisaun Leilaun, Publikasaun Rezultadu Leilaun, Pagamentu no Hasai Sasan husi Sentru Leilaun no pagamentu devolvimentu deposito 10% nian. Diresaun Nacional Alienasaun sei quia prosesu tomak husi kada atividade sira.

8. Remata

Informasaun ne'e prepara hodi bele fasilita rekerente sira iha prosesu kompetisaun leilaun. Wainhira persija informasaun adisional ruma bele konsulta ho ekipa tekniku iha Diresaun Jeral Jestaun Patrimonio Estado

Obrigadu barak

